

ben schleim/ vnd stärke die Lungen vnd das Herz.

Der Saft oder ein Syrup von Myrthen offit genügt/ist gut der Lungen.

Lungenkraut in Wein gelegt/vnd darinn gesotten/vnd offit getruncken/ist gut.

Spinkraut offit gessen/nimpt das wehe der Brust vnd Lungen.

Senet zwey Loth in drey viertheil Weins/mit einem quintlin Imber gesotten/vnd mit Zucker vermischer/vnd das zu dreymalen getruncken / ist gut der Brust/vnd Lungen.

Nesselsamen oder Wurzel mit Honig vnd Wasser gesotten/ vnd offit getruncken/ heilet die Brust/vnd Lungen.

Isop mit Seygen vnd Honig gesotten in Wasser/vnd das getruncken/ ist gut für den Husten vnd Dressten der Lungen.

Cap. xvij. In den schwärenden Brüsten der Frawen.

Lppichsamen mit Fenchelsafft genüzet/ hilfft den geschwollenen Brüsten/ daß sie von überflüßiger Milch wegen nicht geschwären.

Den Saft von wildem Lppich mit Ibischwurzel vermischer / vnd auff die Brust gelegt/nimpt das schwären.

Goldwurz zerstoßen / vnd mit Weinböfen vermischer/vnd auff die Brust gelegt/ nimpt ihnen das wehe/vnd das schweren.

Rosmarinblumen in Wein gesotten/vnd den nächstern vnd zu Abends getruncken/ ist gut den schwärenden Brüsten.

Gerstenmal mit Seyffen vnd Balsamkraut vermischer/ist gut der Brust.

Von allerhand Arckney/

Camepitheos in Wasser gesotten / vnd auff die schwerende Brust gelegt/ es hilfft.

Schwerteiwurzel in Wein gesotten/ vnd eingerruncken/ nimpt das schweren der Brust der Frauen.

Bilsensamen in Wein gesotten / vnd dann gelegen auff die schwerende Brust/ es heilets.

Münzen zerstoßen/ vnd auff die Brust gelegt/ benimpt ihnen das schweren von der eingeschlossenen geronnenen Milch.

Weggrasafft gemischt mit Rosenöl vnd Buttern vnd auff die Brust der Frauen gelegt/ benimpt ihnen das schweren.

Was die Milch den Frauen mehret in den Brüsten.

Dillensamen vnd das Kraut in Linsenbrüh gesotten/ vnd oft genützet/ bringet vnd mehret die Milch den Frauen.

Eniß vnd Fenchelsamen genützet/ bringet vnd mehret die Milch/ so auch wann es in öl gesotten/ vnd über die Brust gelegt wird.

Basilisamen in Wein gesotten vnd gebraucher bringet die Milch.

Senffsamen in Lactuca oder Køl gekocht/ vnd genützet/ bringet die Milch.

Fenchelsamen oft gestossen/ bringet viel Milch den Frauen.

Merrettichsamen mit Honig gestossen / vnd gebraucht/ bringet viel Milch.

Was den Frauen die Milch vertreibet vnd verschwindet.

Eppichsamen genützet / vertreibet die Milch den Frauen.

Windscherling/ das Kraut vnd wurzel zerknütset/ vnd auff die Brust der Frauen gelegt/ das benimpt ihnen die Milch.

Rautensaft in Essig gesotten/ viel auff die Brust
gelegt/ vertreibt die Milch darinn.

Cap. xviii. Für den Husten.

Der Wein Knoblauch gesotten/ vnd den getrun-
cken/ nimpt den alten Husten.

Die Ibschsamnen Isop/ vnd Süßholz in Wasser
vnd Wein gesotten/ vnd getruncken/ nimpt den
Husten.

Goldwurz in Wein vnd Zucker gesotten/ oder den
Safft darein gemischer/ benimpt den Husten.

Kräfftmel mit Zucker vnd Gerstenwasser genützet/
nimpt den Husten.

Pillulen von Armoniacca / sechs oder sieben einge-
nommen/ vertreibt das Geschwät der Brust/ vnd den
alten Husten.

Braunellenwasser gesotten/ vnd gemischt mit Man-
delöl/ mit Safft von Granatapffel/ vnd genützet/ nims
met den Husten.

Den Samen so man findet in der Baumwolle/ ge-
mischer mit Fenchelwasser/ nimpt den alten Husten.

Cypressennuß gelegt in Wein/ vnd den offte getrun-
cken/ nimpt den alten Husten.

Zimmerinden offte genützet nimpt den Husten/ vnd
stärcket das Hertz.

Dipram gemischer mit Honig/ vnd das offte genützet/
nimpt den Husten.

Nimb den Safft von Süßholz/ vnd mische darinn
der Draganthum/ vnd laß über nacht stehn/ thu dann
mehr Draganthum gepulvert darunder / vnd mach
Pillulen darauff/ darvon nimb je eines vnder die Zün-
gen/ vnd laß es zergehen/ vnd schlings also hinab/ der
Husten vergehet darvon / vnd macht dich weit vmb
die Brust.

Alantwurz gestossen mit Honig vnd Zimmerin-
den/